




文  
282.467  
182



# 秋錦山房

## 集

詩集

文集

外集

尋壑外言

香艸居集

余仲弟武曾詩集凡十卷其為時起順治庚子辛丑間訖康熙甲戌凡三十餘年其游歷之所南達閩北絕關塞中經燕趙齊梁吳楚之交凡數千餘里茲斷自丁未以前家居及出杭湖兩州間諸詩為第一卷丁未客都下抵宣府歷邊徼諸詩為第二卷己酉年偕汪戶部於金陵復如京師諸詩為第三卷辛亥春從曹侍郎入黔中暨癸丑秋同弟分虎東歸諸詩為第四卷其冬抵家歷戊午及近游滁潁閒諸詩為第五卷戊午之夏被薦徵入京師至己未諸詩為第六卷是歲客濠梁至乙丑還家諸詩為第七卷自此居家至戊辰諸詩為第八卷是歲入閩中暨庚午歸來諸詩為第九卷辛未以後

遂不復出至甲戌諸詩爲第十卷嗚呼武曾髫髻能詩  
下紙輒盡先子嘗亟賞之自先子遭家多難客游至韶  
州邁疾竟棄諸孤嶺南道且遠格於資斧旣終喪始克  
扶櫬還葬方失怙時弟年甫十六兄弟習爲詞章已而  
聞先生長者言將切劘於理性之學然貧無以自立歲  
甲辰余因人忝黔中越三載弟亦赴宣府故人又逾祀  
分虎入滇自是各爲行客歸期往往相左唯歲在癸丑  
母氏六十爲壽壬戌之秋痛罹先妣棄養其明年祔葬  
先妣弟兄咸聚者三十餘年來祇此三時耳夜雨對牀  
無幾相見睽孤之感歲歲以之迨己巳春余歸自江夏  
弟尚客閩是夏分虎卒於閩踰年而武曾亦歸里相嚮

哭失聲歲月幾何再與武曾永訣徂謝相尋文采頓盡  
雖余由然而存尚忍手其詩終誦邪丁卯之歲余買山  
錢塘之西谿古蕩閒去西湖十里而近叢梅林竹之區  
碧澗蒼崖於焉終老弟旣久困諸生不得少用於世復  
引例入國子學然已絕志祿仕構草堂故谿之南旣成  
思夏菊吾山築舍期共往來吟歎而今已矣嗚呼傷哉  
其被徵待試闕下或勸宐有所請謁弟慨然曰窮達  
天也進禮退義聖人猶然况中庸以下乎退而就幕府  
於鳳陽於閩中暇則取歷代詩人之集無所不窺具有  
評論凡興會所及一託之於詩洎甲戌假寓城東攜所  
爲詩彙專事刪定未竟厥緒遽以疾返里居其分編合

卷則從子潮偕相從點檢時習聞父說而不倍其指也  
余自歸心五雲守龍舒業習之戒於世間文字罔敢與  
知且至哀無文安所措其筆墨惟遺橐之輯後歿者有  
弗獲辭蓋弟之於詩晚而益進觸手成韻沛然莫之能  
禦故叙其所以釐卷之次庶覽者有以知其意之所存  
由季與境之不同而非徒以歌詠爲也其填詞在浙西  
六家就梓者已三分之二其古文如千篇潮偕方續爲  
編按若平生行履竹垞朱檢討狀之殊覈不復贅云時  
康熙丙子孟冬補黃邨農繩遠識

秋錦山房集目錄

卷一

古今體詩 共四十七首

送友尋廬山

春日傲庾信體

無題

贈劉生

寄懸岨和尚時在銅官山精舍

山塘放舟飲梅花下卽事贈同游戚好

垂楊

偶見

晚行望卞山書懷二首

碧浪湖

吳興竹枝詞十首

飲顧氏舅宅感舊兼示表兄嘉夫

道場山同吳虎文

訪程山人別業

白雀寺春游詞同王古直作四首

山行三首

立夏同蘋公對雨懷曹徵之

宿族兄莊

苦旱詞五首

題扇

同屈五飲周五宅時值苦旱坐客頗憂歲事

西湖呈陸冰修表叔

餘杭縣

安隱寺

懷韓石畊

烏程客舍憶查韜荒

秋燕篇

返舊廬作

卷二

古今體詩 共八十五首

坐客舍遣懷四首

泊蘭陵遇客入滇寄書斯年兄

雀林寺

渡江贈友

廣陵四首

雨中陳散木孫豹人鄧孝威涂子山過話

次韻王西樵司勳春夜兼書別思

第五泉歌

紅橋

登觀音閣是隋宮舊址

孫桴菴餞予岱宗之游且云將返黃山舊廬輒題

酒肆壁間以爲別

車渡

淮南曲

飯于公精舍念我長塗見餉瓜菜

漂母祠

清口阻風

贈耿百泉主政

贈王阮亭客部兼以畱別

程舍人周量席上梁孝廉芝五談花田之勝

將之塞上呈汪荅文農部

居庸

八達嶺

吳郡丞采臣署齋出家姬歌舞留宴因成四韻  
岔道二首

上花園

述懷贈方參議四首

宣府二首

寄曹秋嶽先生兼訊俞丈右吉

塞上觀嚴都尉女樂歌

雲州堡觀鎮朔將軍獵二首

觀錢忝谷中丞畫蘭歌

送張登子司李還越

初月

鴈門驛對酒贈妓

宣府人日

上元後一日夜飲甯保安署中

酬胡東甌明府言別四首

重過軍都關口號

寒食飲查給事宅

書畫歌送朱紫來明府之官建昌

譚舟石中翰置酒豐臺怡看芍藥同令弟左羽繆

于野

逐南海

送諸駿男入蜀二首



廣陵船歌送元禮之真州

奉贈王阮亭儀部

送

游華山

爲王儀部題畫

送茅匡餘歸茗上

口占送張彥若之晉陽

畫螭歌送程雪門歸淮陰

彭處士仲謀至長安見訪不值次荅來韻

贈文與也三首

張氏園古松

送陳其年還陽羨

初冬雪夜口占訊紀伯紫周鄭山陳徹倩三處士

二首

劉公馘司勳齋蠟梅二首

除夕前一日同王員外陳檢討飲汪農部宅

送童百旃歸海鹽

古意二首

上巳日合肥宗伯龔公招諸同人集慈仁寺松下

分得茵字

酬別華陰王山史關中天生兄

題王山史獨雀亭圖二首

卷三

古今體詩

共一百廿三首

官馬行

曉發大柳驛同汪使君

清流關

醉翁亭

晚晴即事

鐙船曲六首

臙脂井二首

拜方正學先生祠四十韻

懷顧寧人處士

自烏龍潭尋臺城遺址

論文口號九首

鄭谷口爲予艸堂書額報以短章

丁老行

瓦官寺四首

白下送袁重其歸長洲

秣陵城南晚眺計孝廉甫草同賦

金陵雜詩六首

金陵早春發歸棹

舍南梅花盛開念客游日久悵然有詩

將赴白門古南老人夢得送行句云客心江上太

還畱次日續成命伊蒲之饌依韻奉別兼示首

座休公

出門口號四首

贈顧丈茂倫

送郭臯旭北行

清明後一日虎踞關作

懷伯紫

清涼寺海棠花歌

江上夢沈武功徐初鄰二子

停船歎

尋倪闇公值往豫章奉寄

舟中爲周櫟園先生題葉榮木畫松

朱家莆阻風戲爲長句

自燕子磯至秦郵遣興四首

悼雷伯籲兼示王築夫

淮南大水紀所見

自泗亭驛至南陽見荷花連亘數十里

九日張螺浮給諫席上

雪後同朱十過申隨叔檢討齋看菊

送譚舟石之官榆林十首

玉劔

晉硯

倪黃二畫

送吳岷涪之延安

送胡潔菴

飲柯將軍園贈翰周

飲繆歌起修撰邸齋

宿程農部周量寓齋憶戊申之歲同

何不

借於此歡宴累月忽忽二載作詩呈農部需便

寄二子

題汪鈍翁焚香掃地圖

奉贈大宗伯王公

沈繹堂副使席上歌

送汪鈍翁戶部移疾葬親歸長洲

呈龔尙書分用子美秋興前四首韻閻孝廉倡

申丈鳧盟貽書見訊且索近著寄答二首

申菽旆舍人席次作兼呈宋荔裳觀察王襄璞方

伯

送梁曰緝侍御歸鄢陵三首

爲程員外題畫

杜遇徐學士齋對雪因憶孫北海先生約尋退谷

古藤篇贈何蕤音侍御

贈冒穀梁移寓曾青藜徐方虎陳緯雲同賦二首

口占贈柳敬亭二首

朱碧山銀鑿落歌呈孫少宰退翁朱十倡

贈衛爾錫檢討

正月四日同朱錫曾潘次畊蔡竹濤自阮家邨入  
壽安山二首

退谷題秋月上人房

秘魔崖

來青軒

自香山入洪光寺

碧雲寺二首

明景泰帝廢陵二十韻

玉泉山

田家觀杏父老爲予言昔年游覽之盛觸緒成歌

青龍橋下送瞻西上人還退谷

題譚天水小影卽送之閩二首

清明日沈康臣汪蛟門喬石林曹升階黃繼武曹

峨眉諸中翰招同朱錫曾高二鮑飲郊外卽席

限韻送錫曾之維揚二首

別高念祖表兄兼示沈馨聞

卷四

古今體詩 共二百十九首

良鄉道中呈曹澹餘開府

渡德水

大明湖

歷下亭

江家池對酒

晚步經白雪樓是李滄溟遺址

趵突泉

馬孝廉三如往歲南尋吳越頗盡游觀今茲奉訪

追話曩蹤因有此贈

白海棠

張杞園訊予近游兼訂遙越之期時予方道楚入

黔輒賦長歌畱別兼簡馬孝廉

譚家坊

雲門山

馬東邨

肥城山中登石閣午後冒雨前發卽事

渡河抵歸德作

睢陽道上謁雙忠祠

陳思王墓

樵澗邨

襄城

馬首望鄢陵懷梁侍御

襄陽四首

抵荊門州尋蒙惠二泉用子瞻登介亭韻

荊江歌七首

目録  
澧江阻風送中丞曹公郤返澧州取陸路南行期  
以武陵相待卽次贈別原韻

夢王阮亭農部過武陵二首

河泐山

九嶺

馬鞍山值大風雨是日同行皆先度

沅陵縣

辰谿歌

宿沅州

栗子關十六韻

水車行

游華巖洞用少陵白水縣崔少府高齋韻

聞鷓鴣

初抵貴陽二首

黔陽雜詩四首

孔雀

紅葉

送魏樸菴之金陵二首

題陳明卿四時山居圖

賦得夢裏還家不當歸

微雪用子瞻聚星堂韻

酬曹升階中翰

壬子元日

渠上奇石四首

蠻中元夕燈詞三首

二月一日用香山韻

夢尋白下舊游

暮春絕句二首

春日遣緒二首

買僮

春盡二首

寒食後兩得鄭文谿手書知沈武功蔡竹濤相繼

下世二子皆少年以詩豪未竟而歿折嗟悼累

日遙哭之

雀相見行

乳虎行

錦雞

黔陽雜咏十二首

夏夕涼甚致書親舊

雨夜

讀曹中丞題子瞻集後詩因和

竟夕不寐覽鏡見白髮感歎成詠

寄鈍翁

貴陽山中雜興五首



病起書懷七首

往事二首

八月十五夜同曹又魯

江上二首

寄畊客四首

十月三日奉同中丞公作

無題

摘錄林處士詩一幅配以倪迂畫並貯錦囊賦一

絕

奉贈曹中丞

題宋人詩後

欲雪

春前一日放歌

歲暮用崆峒韻四首

癸丑元日

送曹又魯從白下歸青齊

風急

久雨乍晴春色漸佳偶呈開府公

母字至黔有述

信筆

題幸蜀圖

觀畫

社日雨憶鄉中歲事

插籬和中丞口號二首

花朝戲作

鸚鵡歎

二月十五夜

彈琴值分虎自滇中寄詩云約束琴書好歸去莫  
令又過菊花時因感舊游

上已和中丞二首

次韻酬中丞題灌園圖

聞斯年兄從嶺南歸營州堂於長水東邨相見當  
在今臘先有此寄五首

飲黔中茶

九友詩九首

汪舍人蛟門見寄賀新涼詞走筆奉報兼訊喬沈  
曹諸公

聞程職方除桂林守遙送此詩

魏元襲舍人話閩中舊游以不及過武卮爲恨慰  
以二絕

馬金囊

題謝楊兩先生詩後各一首

杜宇

早秋卽事四首

述懷奉同中丞公用秦少游海康書事韻分得十  
韻之五

貴陽重建王文成公祠敬賦三首

題止柯邨畫冊

呂忞字以詩集屬分虎見寄有此贈

留別吳大身

義王宮妝樓今在官署中陳綠崖參藩置酒其上

卽席賦

龍里對酒示吳沅思

山行卽事

黃絲竹枝二首

陸齊雲

蜡梅邨

平越城樓縱目因追往事

葛鏡橋

重游飛雲巖歌同分虎作

自鎮遠發

望大小錦屏峰

九惱灘

觀音灘

思州

舟過平溪順流騁目憶在歲取陸路南行山水依

然頓殊勞逸倚醉有作

巴洲

晃州瀑布

放花鴨

由白茅洞溯烏鬼灘秋水漸落下見溪石峻峻水

際宛若花辦

沅州二首

黔陽廢縣

銅安

雨中

沅陵再泊阻雨聞鄰船歌江南水調

自白龍崖趨瀘溪述所見

古廟

贈山中人有小序

漁筊曲

桃源二首

與分虎舟中夜坐共話家園

卷五

古今體詩 共一百五十八首

寄錢爾載

叔明遠留同昭仲展馭樓飲即事次章有慨疇昔

二首

懷錫鬯二首

寄嚴存菴學士二首

韜荒嶺南歸見訪二首

喜二鮑重陽相訪時蜀歸未一年將赴都下二首

月夜過黃叟

初夏過友人竹軒

林於約過竹軒不至

訊放梅上人攝病水香菴

同人載酒過竹軒

蓼園族祖竹下家讌值徐丈皆山至

八月十四夜同人集分虎弟寓園分賦

喜曾青藜至二首

友人訂看菊是日對雨

簡蔣丹崖明府表兄二首

用韻酬王邁人先生秋夜憶同人游宴之作二首

俞丈右吉移居吾里越歲將歸城東草堂賦五七

言各一章

寄曹實菴舍人二首

輓王西樵考功四首

人日次畊至因招青士

正月十九日周灑岳幹夫至小集

蓼園族祖約過吳西山園齋看早梅示諸同游

清明七花歌

廢園

贈遠士不爲

春暮次友人韻

邗上客舍蛟門舍人移酒過話

宿真州古寺贈瞿脉不昧兩上人

三月三日訪紀處士蘂子早宴別去

滁州酒家

舟中書所見三首

定遠道中二首

山船

訪劉考功蒲菴於潁州有贈四首

宿劉家園子蘇孝廉懋旂過話是夕有兵信且值

雷雨大作與懋旂各賦一首

劉幼功明府載酒招游別業二首

聽劉考功彈琴

劉考功受琴於王生自歸里門以指法授諸侍姬

一日携游郊外經王生墓命姬各操一曲而去

酬別蘇懋旂

答張金吾孟深

重次正陽關同朱立臣

宿下蔡

八公山下有農而可語者題其屋壁  
懷遠道中

七閩

汪舟次招集同駿孫無言立臣令弟叔定  
晚坐溪西精舍呈懸公

入秋苦熱借林於蘅在涵叔泛舟小飲  
諸同好午集小齋戲爲拈韻詩刻香二寸

看月星紉梅墅同令弟秦楷

飲沈山人別業

龍山道中宿古呆菴

寄查韜荒夏重德尹兄弟

雨後坐友人齋望大小橫山飲竟日

有答疊前韻

分虎弟携酒饌集星紉梅墅三疊前韻

過石佛菴四疊前韻

客有問予近狀何樂也戲答

邏溪見香櫟一樹繁碩可愛以三絕句投王者索

十題

朱子葆隱君留話山樓

海上逢表弟錢尋千同西野瀟岳對酒有懷故友

贈瀟岳

華亭道上懷吳六益計子山高二鮑陳山農暨表

伯錢武子

樹根羅漢筆格歌

前題用遠士韻

徐詹山以亂解山陽今歸贈以詩

過震澤懷同岑子

褚子見招舟飲泊先文林墓門之西

寄俞丈右吉

寄木文江右

送懸崖和尚主席古南禪院

題蓼園族祖南北游草

吳孟舉以宋詩選刻并所作種菜詩見貽走筆奉

東二首

和孟舉種菜詩五和得十章

哭劉蒲菴吏部六首

清明後二日集褚子齋分得元韻

嚴示恭墨竹得古法別予歸海上贈以詩

同宿孚立臣泊松陵作

寄延安譚郡丞舟石

黃原明書屋以貧售其半自寫半壁山房圖附以

二詩輒繼來韻

姑蘇柳枝詞四首

西峰白水菴逢陳允大



紫薇東山公讌

送朱不爲宛水池陽之游兼寄今兄人遠

次友人移居韻

閩表叔半完翁南湖觀競渡詩有寄

石佛菴晚軒納涼示定公

送左羽謁選

述旱

雨中尋不爲

題聲山仗劍圖

同湘公過淨慈寺歸值小雨

題畫

上元後一日吳澹思過

春夜作

集葉九來半繭園看梅

馬殿聞編修席上出河豚餉客予與吳志伊萬貞

一皆不食陳其年以長句見嘲聞而附和者吳

修齡葉九來陸集生諸公意多袒陳走筆戲答

虞山上已後一日健菴宮坊菌次太守莘田侍御

其年志伊西銘斧季石谷同集曾王述古堂賦

贈

題三友園壁

雪灘釣叟歌爲顧丈茂倫作

清明

竹枝詞送幹夫采藥洞庭二首

趙天羽農部見招借邵得愚亦同分虎湖舫看月  
二首

題不爲小影

題虎侯行脚小影

徐立齋先生園居落成屢招讌賞賦得四首

題徐崧之趺坐圖二首

張鶴亭招集涉園二首

酬別曹中峽

卷六

古今體詩共九十二首

應 召北上晚泊京口堯夫乘風便先發賦此

紅花埠馬上

初抵都下吳蓮洋乘月至二首

尚書王公招同嚴蓀友朱錫曾徐勝力宴集即次

尚書見贈韻

次韻勝力竹林寺看菊

惱勝力不果西山之游

大司馬王公招飲怡園同陸翼王毛大可鄧孝威

陳其年田髯淵朱錫曾周起辛分賦

送宋牧仲比部權關虔州二首

東家明府岷瞻二首

送黃俞邵徵君聞母喪還白下三首

答路蒼霖

孫茂叔枉詩兼餉酒餌病起走筆

憶西山舊游示茂叔

投贈相國馮公四首

題閣學湘北先生編年詩卷後

雷琴詩為張晴峰戶部作

送陳六謙之官安邑

飲施愚山觀察寓齋同汪喬諸公

大司寇宋公席上賦呈二首

呈高陽相國李公五十韻

和高陽相國除夜入直同曹頌嘉舍人

己未元日止酒齋食謝曹頌嘉舍人之招因呈坐

上諸公二首

楚南

對雪次施愚山觀察韻

花朝前一日曹玉淵主事齋讌集分韻二首

送陳康侯赴常州幕二首

健松齋詩贈方太史渭仁

送葉道子守備清淵

聞王阮亭侍讀極賞曹玉淵涿水送春帆句賦一

絕

送翁武原之官黃州別駕二首

蝸廬小樓篇

有小序

送僧歸堯峰

贈王吳廬宮詹

題王咸中石塢山房圖卷十一首

鷓鴣怨三首

題喬石林編修桃花流水圖

題毛會侯明府戴笠垂竿圖

下第後夢中得谷鳥桃花句醒足成之

次韻留別王阮亭侍讀二首

別吳天章三首

送駱湘雷令葢平

和葉九來雙鶴絕句四首

送天生檢討兄歸關中三首

將歸浙西送葉井叔主政還齊安

與高二鮑進士論詩有同調之感

留別梁玉立先生二首

董蒼水孝廉先去都門貽詩見慰予以升沉正當

齊視本無所失何用慰也次韻却東

大司農真定梁公以詩縑粵葛贈行走筆奉答

出都下口占十一首

卷七

古今體詩 共一百廿七首

九日濠梁道中雨

曉發大關

月夜拒練潭

正月十六夜雪後皖江夜發不及望九華二首

自銅陵至采石磯示張西翰

題鄧元昭觀察古鼎閣

鄧觀察邀飲答此詩

題畫蘭扇子

爲耿郡伯題梅花山茶障子二首

潮郡庭雙雀

白門馬上觀鞦韆

答沈方艸見訊

贈王子葉

偶然作

八月十五後耿使君連夕置酒晴雨相間絲竹不

廢王郎紫函壓其家部贈以七絕句

獨吟

風雨作

別高評事二載有送行圖新詠之寄遙答

聞族叔赤茂訃

鳳郡水旱頻仍耿郡伯勘災賑饑席不暖者三年  
始見豐熟述邦人之喜

五月十一夜

油製

寄贈龔方伯三首

秋日同褚蔡二子過從祖澹園二首

自句容至淳化關口號二首

浦口發

答蘅圃二首

夢中得第三句

除夕書懷同繆一潛三首

述懷十二首

客濠梁病起芟齋前花竹

寄沈行可客茗上二首

丹陽舍舟登陸感賦

旅店逢王參軍飲爲予話楚南事彈琵琶一曲別  
去

歲在丙辰予過滁陽題詩旅壁酒家女方八九齡  
拂硯注水看予題竟又閱七載再宿此家見前  
題剝落過半感行路之久仰視而嘆店叟詢所  
以少女方當壚私語翁曰吾小時看客題詩于  
此翁命予洗硯遂相忘耶叟以告予作詩記之

目録  
三  
憶山房二首

平安

偶然作二首

人日

春夜

贈耿子亮進士

暮春伏枕不飯不飲五日夕自遣三首

暫歸南邨屏息塵事勞者之懷羈焉自慰題山房

左壁六首

告災行

酬贈胡卓山

行可至山房爲予製藥

送行可由武林入茗

送虎侯至江右三首

惱藍邨嬾人櫻公訂飲不至

過別溪菴拙公出示近什歎其意新法老子久厭

羈旅方事結茅去公精舍不遠喜倡和有日先

志以詩

甲子秋日出門感懷示兒潮借五十韻

西葛城

紡婦

無錫道中

遠芳將歸壽春贈以詩

贈小友兄三首

和小友冬菊詩十首

寒夜酒間有贈

歲暮作

故園

小友贈山水行看子報以短章

種梅

種梅甫畢雨作置酒招硯青野臣

觀舞

悶極

湯興和杜韻兼做其體調九首

過黃媪小園題竹四首有小序

卷八

古今體詩 共一百六十七首

送趙先生督學閩中

題伯兄尋壑小閣

題剩舫絕句十六首

石榴花

山房銷夏雜詩三首

六月苦旱忽大雨連日喜極成咏

與不爲



拙公過集邨齋輒枉佳律依韻酬之二首  
拙公見贈詩草草和答次日復以詩來再疊前韻  
各二首

再疊前韻東拙公二首

雨後對酒再疊前韻索拙公和二首

剩舫獨坐即事再疊拙公韻各三首

過蔣丹岬表兄西莊草堂別後却東用拙公韻二

首

再續剩舫獨坐疊前韻各二首

東錢表叔半完翁用拙公韻二首

入秋無事趺坐自遣頗有登臨之懷念拙公久不

至吾齋因書近狀且寄懷想語無倫次仍用前  
韻各三首

拙公九疊前韻而詩愈工予不能敵也再疊二章

勸公輟筆主和局者予寔先之冀發一粲也

酬拙公秋雨見寄

送從叔明遠重游會稽

七月二十五日大風作

風不止

水軒四首

將營草堂課奴子崔垂宜芟綠溪拾瓦礫爲墻材  
新晴桂花下作

哭查韜荒五首

首春草堂聽雨三首

過丹崖翁草堂和元韻

題傾城不嫁圖

送陸端毅北游

桃花雜咏十一首

題弘載弟坐桐竹下小影二首

題沈孫謀溪山小隱圖

偶題太白集

用韻酬不爲二首

顧閒山北游索句

答碧川

秋日凌公邀同諸君晚步東邨即事十首

題卯君萃橋水榭圖

贈皆翁移居東邨六首

過徐淮江草堂

族嫂曹孺人苦節壽終姪又韓恂恂孝行讀父遺

書旋苦食貧奉母命業醫每以不克表揚慈節

是懼蔣明府表兄爲賦李節婦詩因次蔣韻

上元後一日送兩叔氏入閩訪江何二令

吳孝章出畫扇索句是顧咸三所作樹石三首

客有將作選人者適見邸書走筆

同拙公秋田碧川兒潮偕由天香僧舍至伯兄別業看梅盡日

上已後一日西山招飲同諸公二首

口占送立臣游都下三首

招丹崖翁三首

懷拙公講經烟雨樓

題胡飛濤畫蝶

長歌爲半完先生壽

游僊詞三首

月夜放舟偕從弟致能乘新漲過拙公房

題逸莘柳下聽鶯圖二首

遣意二首

初夏過友人書屋

題孟集後

閱天岫寓廬詩集因答首春見寄之篇二首

題朱檢討詩後

課田歸聞杜司空枉駕奉柬答意

舟發口號

偶成

夜抵塘郵宿大佛寺

湖上逢本懷上人汎舟至法華山

憩香圃菴

伯兄買山處舊是僧菴清泉修竹可以忘老而兄  
遠客長沙詩以招之

西湖僧舍逢曹掌公舍人話舊

段家橋晚步至孤山口號二首

歸舟遣興

送士拔下第北行四首

客至

飲秦楷齋即事

送硯青

題書岬納涼圖

題夏重小影

答伊人

吳門逢耿使君泛舟携伎過陳家園子讌集遲蔡

九霞不至

卷九

古今體詩 共一百三十六首

酬祝達子三首

拜嚴先生祠敬賦

蘭谿縣

自蘭江泝龍游

江行雜咏十首

三衢二首

峽口發

江郎山 有小序

閩嶺竹枝二首

嶺外

建寧

延平

泊竹崎關

閩灘曲 有小序

柳林灘

第七灘

十六灘

第三灘

十一灘

十七灘

浮梁灘

二十七灘二十八灘

二十三灘

曹邨灘

三十二灘

柳龍灘

下航灘

虎灘

塔嶺灘

到問灘

小到問灘

六牙灘

平洲灘

大小螺二灘

五十四灘

涼墩灘

上金墩灘

六十二灘

七里灘

六十五灘

小湖灘

松門鴨子二灘

牛尾至牛首三灘

大小米二灘

七十九灘

八十一灘

青銅灘

雁糧灘

佛灘

壞橋灘

烏鴉灘

梨灘

盆灘

九十五灘

黠淡灘

龍孔灘

茶洋灘

羅漢閣灘

暗蛇灘

自水口南行無灘五首

船謠四首

候官客舍送沈南蔚還鄉期仲春再至

聞杜鵑

聞罷海取紀事三首

送孫子歸錢塘省親即赴中州觀察幕

張中丞後院牡丹山茶大放客既醉止再命家樂

沈沛洲錢蒼液同賦

感禽作

六月十七日夜使院登樓小飲

暮抵湖邨

江山縣

相二首

輿中

桐廬

重泊七里灘

庚午夏首伏枕之次感夢歎衰誓息遠游會三山  
故人中蜚語待罪力疾往視誼不可已或譏予  
以息游名堂而僕僕不止亦愛我者各言其意  
云爾作斷句自遣九首

關泊口號

兩釣臺歌

梯田

白槿

題杉坊亭子

漁梁嶺大雨宿山家次日夜達浦城

戲爲短章二首

次韻尹侯感蘭

烏石山同尹侯爾修二首

廢府

贈雲客

次韻尹侯見贈二首

三山歸棹贈尹侯

黃山口觀水

將抵延津

建溪道中三首

過黯淡諸灘述險

偈側

山中霽發

晚憇田家題壁

桐江四首

重題釣臺

卷十

古今體詩

共八十七首

奉簡徐大司寇八百字

重五日同沈呂諸公登縹緲峰舟還值大風有作

二首

山史別踰十載聞屆七秩不獲涉江為壽彌益懷

想賦二章寄之

題裘殷曰陶然圖

夜坐湖樓讀山澗介山詩狂喜不寐口號三絕句

東洋黃菊五月放花次韻愷似三首

雪後以家釀一甕貽暮山子

題查庶常寫經圖七首

謝江邨詹事惠花源茶

題江邨蔬香圖三首

題高詹事北墅梓花行看子

入郭逢杜湘草



俞體仁爲予寫照贈以詩

題徐淮江遺笏圖

爲鍊師高錫純題照

歸夜

題查德尹戴笠圖

過護珠精舍贈定公

沈耿巖編修見訪不飲別去二首

題朱檢討小長蘆圖五六七言各一章

審山之陰近年有老叟手鑿洞門居然別一止壑

壬申九日偕湘亭碧川叩君兒潮偕往游次碧

川韻二首

傅恭人輓章爲江邨詹事賦兼用奉慰

答徐丈廸山

題立山詩卷二首

二月八日聞元墓梅花盛開自胥門放舟至木瀆

先得三首

湯堂中丞留集使院梅花亭子即事賦別兼呈公

子山言毘陵邵子湘十韻

和湯堂中丞春日過靈巖元墓看梅韻六首

送王令貽進士赴選北行

題希文菴蘭圖二首

題趙松雪五老醉歸圖爲淑章二首

題奇峰畫冊二首

看新漲至橫山

希文留飲廉讓堂邀同潛岳並觀新什即事

題希文觀瀑圖

嚴示恭過予剡舫別時賦此

西峻見貽宜興自斟壺二把詩以酬之三首

題貢九索句圖

答東梧餉酒榼

留抱子東梧爾修小飲城東草堂

遣鴉

重過冷公菴二首

懷山瀏滯闕下

韓子遠寄示近刻代東却答

湯堂中丞屬題松間小照

小雨集山房分得茵字西山坤釜衡峰同賦兒潮

借繼作

次韻晉民題坤釜新齋

計希深過草堂即送入閩時與許廣文不棄先後

行落句有及

電發檢討以所作墨松索句

次韻竹垞檢討贈補雲二首

題灞橋詩思圖小照爲竹垞二首

題沈孟澤小照

秋錦山房集目錄終

秀水張雲上刻

秋錦山房集卷一

古今體詩

共四十七首

送友尋廬山

我聞匡廬秀九疊開屏風此地昔乘興千春懷謝公一  
從躡屐遠坐使青山空君去幾時到登臨惜未同

春日做庾信體

江上年光改樓中曉色舒青蛾工作畫錦字笑裁書探  
篋披明鏡當窗照舞裾低花映新沐緩屣下前除袖約  
攀條候衣香引扇初傾城矜獨立游子見躊躇抹霞弓  
樣襪滴雪耳邊珠凝睇簾微隔迴身婢半扶水妒文鴛  
竝風憐綵蝶俱河陽從此後不願果盈車

無題

板屋青青颺女蘿  
誰家蘿月映門多  
蓬山有夢愁曾到  
紈扇相思素解歌  
細柳一時飄在渚  
雙星終夕怨明河  
闌干只在清輝裏  
不卷珠簾柰曉何

贈劉生

劉生彈琴方妙年  
自言家住渭橋邊  
不堪想像岐王宅  
今日秦聲異沈妍

寄懸崖和尚時在銅官山精舍

碧玉橫斜雪谿水  
抱麓穿沙三百里  
烟螺要眇封禺山  
蒼崖嶄削難躋攀  
路人指說防風國  
人徑千霜冒荆棘  
山中居民虎穴傍  
白晝公然虎索食  
上頭僧舍僧不居

不雨一勺無由得  
吾師昔渡雪谿去  
挂瓢直倚曾顛樹  
杖底靈泉一旦開  
二空尾帖今無怒  
六時但聞鐘磬聲  
童叟大悅懽相迎  
從來戒法有龍象  
肯令頑石虛峻嶒  
山中倚師如慈母  
故山閒殺宗雷偶  
作詩聊寄貝多箋  
請師一啓珊瑚口

山塘放舟飲梅花下即事贈同游戚好

長洲苑裏斜陽暮  
挂席將浮五湖去  
渡口春風借問君  
停橈一繫清谿樹  
此時晴雪滿吳閭  
梅花千樹萬樹香  
未逐征人飄玉笛  
故催行客到山塘  
君家兄弟才華健  
石上題詩更開讌  
坐惜流光不待人  
西施舞處蒼苔徧  
吳鹿游殘越鷓飛  
林鶯猶似喚羅衣  
浮生不飲真何事

十日從君爛醉歸

垂楊

垂楊恰傍酒壚斜  
纖手春寒釀落花  
自汲新泉勝下若  
人傳香種出長沙  
極知漢女憐交甫  
可有麻姑入蔡家  
分付橫窓休蚤閉  
欲隨行雨夢天涯

偶見

江花江水暗朝雲  
響屐分明夢裏聞  
愁殺東風太飄蕩  
春來依舊卷羅裙

晚行望卞山書懷

步出城東門不憚  
道路賒天桃與郁  
李寒食各已華南  
經孺子廟蕙草被  
寒沙彼美世所稀  
逝者一何多我有

瓊瑤佩流光絕纖  
瑕誰爲同心人惠  
我以木瓜延竚不  
可竢慨然嗟歲華

卞山何青青浮雲  
忽來踰造化有舒  
卷達人辨斯須彈  
我膝上琴山水聊  
相娛聽者盈林間  
誰解宮商殊灼灼  
辛巳花阿儼當城  
隅迴轅以相從中  
道增踟躕生芻不  
盈束何以飯白駒

碧浪湖

長日江村好風景  
自呼鄰叟放春船  
亂雲野水白相映  
細柳新蒲青可憐  
晚去星河生客夢  
舊游臺榭渺寒烟  
紅妝剩有當壚者  
且醉烏程市上眠

吳興竹枝詞

日出潯南烟水黃小樓如畫酒旗長玉瓶細汲春風起  
吹入糟牀滿店香

道場山前白日低倩郎重插瑣金鑰柔櫓淺沙何處泊  
小姑新嫁鮑山西

阿儂家住玉湖濱種竹全勝畫竹新妒殺年年天聖寺  
郎來只說管夫人

三月三日采蘭游牙板笛牀何處留白雀門前扶上馬  
喚郎重向北山頭

連朝愛趁打魚船載得谿灣縮項鱖細雨街頭人散盡  
送郎雙手不論錢

綠槍初展最相思阿母燒松炙玉瓷顧渚峰頭黑雲起

紅裙閒殺採茶兒

小鳳分行花葉稀吳紗新樣卷晴機爲儂裁作春衫袖  
舞盡東風只竝飛

顯山真作峴亭看移得屏風護酒寒笑取山均雙白鹿  
金刀細劈水精盤

菱角尖尖菰葉青別郎天氣晚潮腥秋來橘柚黃如此  
不見郎船返洞庭

尊前勸客早涼生箏館球場最有情樂府南朝零落盡  
前谿只有竹枝聲

飲顧氏舅宅感舊兼示表兄嘉夫

我舟泊青茗參差日將酉襪被小童肩倉皇謁諸舅柴

荆各非故指點得老叟上堂叙寒暄嘆息契濶久舅也  
情不踈入室語爨婦提篝發新鑪張燈剪春韭相顧感  
疇夙中懷詎堪剖舅氏三數人生涯困田畝田荒少人  
畊故業存十九官糧不得輸况乃給升斗表兄本村居  
期會日奔走縣吏輕儒冠嗔怒常在口憶我總角時高  
門簇冠綬廣宅與名園樂事無不有娛戲宛昨日流光  
一何驟破家戎馬餘對面成老醜昔盛今何衰甲族薪  
自負沉吟哀樂理此事若機紐春風滿桑柘且盡杯中  
酒

道場山同吳虎文

不識何峰路同攀上界藤竹深留古刹花底揖歸僧月

傍今宵滿山宜我輩登倚欄松栢外一眺盡吳興

訪程山人別業

山人早歲城東住厥閣虛廊對江樹世事更來舊宅非  
停橈不辨尋游處聞君七十是明年繞屋山花換酒錢  
白髮春風清興在浩歌同上雪谿船

白雀寺春游詞同王古直作

寺門芳草如茵軟花港淥波如酒濃不辭載酒携茵去  
爲聽春濤十里松

樹杪珠宮百尺臺春城千舸一時開山前白雀無消息  
惟有紅妝歲歲來

闌干曲磴挂斜暉羅綺凌空到竹扉緩步不知山逕杳

冷雲多傍鞞塵飛  
往日朱門只斷垣  
舊游金谷亦荒原  
募錢衲子看興廢  
鈿朶珠銜又一番

山行

門前雙樹古  
趺坐有餘清  
三月春林暖  
猶聞落葉聲  
衆泉瀉方塘  
橫橋跨長薄  
我來橋上行  
不知泉水落  
近午結芒屨  
足底流雲盡  
提筐過藥欄  
前簷曬山笋

立夏同蘋公對雨懷曹徵之

南風生綠葉  
一雨下清池  
借問山樓客  
青春得幾時  
故人隔春水  
值此定相思  
欲附尺書去  
雙魚未可期  
宿族兄莊

吾宗元世德  
浮薄感今時  
真率逢兄嫂  
遺風或在茲  
傳家餘老屋  
勸飲只村瓷  
正值蠶桑後  
山田種莫遲

苦旱詞

靈壇太乙儼  
通幽匝地炎  
風拂紫旂玉  
女瑤盆定無恙  
空教雙燕出  
羅浮

當年祝令解  
神明好雨如  
泉竟夕傾一  
自襄陽耆舊少  
邑人惟事東  
先生

盡日青苗不  
作涼上田太  
短下田長麻  
姑東海應回  
首目斷滄波  
又種桑

長簪寶祿九  
華巾夜擁江  
帆馱海神舊  
事焚炷君莫  
避玉壺皇舞  
更無人



見說西江水接天豫章城郭渺誰邊只愁三版漂沉易  
不散句吳萬頃田

題扇

細草閒花地朱門晝不開更無團扇撲蜂蝶自飛來

同

飲周五宅時值苦旱坐客頗憂歲事

今夜清尊昨夜沽初筵諧謔間投壺最憐不醒如周顛  
翻使離憂對左徒已分山田虛種秫愁聽野老說焚巫  
憑誰寄問盧耽井猶似當年解疫無

西湖呈陸冰脩表叔

西泠新月好挈榼共登艫水榭如遙去風燈忽有無鬢  
香聞遠艫花氣合重湖寄語丹青手人今在畫圖

餘杭縣

壓樹雲初合迴船雨故斜郭門涼遠翠漁火亂圓沙避  
槳雙鷗鳥當篷一酒家溪流直如練香殺白蘋花

安隱寺

浮生幾日駐征帆石路秋容淨客衫下界泉聲自朝暮  
上方雲氣滿松杉雨花似引三車語佛火微明七寶函  
不見乘杯騎馬客騎馬宋僧漫勞鐘磬響層巖

懷韓石畊

故人彈瑤琴征帆渺吳會惟見海雲流參差夕陽外

烏程客舍憶查韜荒

今年桃李月我汎南湖春東風如醪醑醉殺冶游人君

秋錦山房集卷一  
從漢口還遙持木蘭檝携手不盡歡連帆恣沿越中流  
見桑麻疑是秦人家烟波忽相失滿目愁風沙風沙吹  
未已月出吳姬肆脫帽酒壚傍高歌不知醉清輝滿春  
林握別逾江潯我爲廣茗客君唱武卮吟吟成響巖谷  
目斷寒潮綠持此幔亭邊何謝仙人曲榻來歲月遷黃  
葉迷吳天卻對烏程酒懷君萬里船昨夜夢君還知君  
在何處日夕南鴻飛不寄相思句相思若楊花飄落隨  
天涯願作青茗月同君躡紫霞

秋燕篇

秋風瑟瑟吹華堂梁塵晝飛雙燕翔搖頭鼓翼主人傍  
被蒙君惠不相忘但恐歲暮多風霜君家爲德難久長

將離結伴還故鄉與君相期在春陽由來託跡安能常

返舊廬作

涼飈厲秋氣微雲靄中庭是時霜始降奄忽百草零昔  
予事行役遵途越郊坰顧瞻田疇間彌傷游子情不見  
稻與梁荆棘自縱橫杳杳白日匿肅肅孤鴻征節物逝  
不處世業非所營改轍即曩路載駟戒晨興願得歸舊  
廬燕婉及平生唐風有遺言感彼蟋蟀鳴

秋錦山房集卷一終

孫蕪房恭校

曾孫集復校

秋錦山房集卷二

古今體詩 共八十五首

坐客舍遣懷

我有一心人容顏若翡翠經時不相見迢迢隔江涘江  
梅颯以標欲折何堪寄紅舷多夕陽坐惜流光逝援琴  
不成聲滄波渺無際

美人所居樓垂楊映牕戶游子無春衣親為裁紉素三  
月征馬嘶愁予即長路楊花如惜別漫天作飛絮飛絮  
返春池歸人應有時為憐刀尺苦不遣素衣緇

南有臙脂井北有玉鉤斜陳隋已千載行人為咨嗟咨  
嗟復何益傾城難再得昨日萬桃花落紅深一尺容顏

旦暮移何暇悲陳跡青樓盛名倡姣好被香澤沈檀爲  
方牀紫烟生瑶席我無十斛珠爲懽豈終極人生貴快  
意聊以娛朝夕

華陀青黏散藍田碧玉環糜之以爲羹駐我好容顏入  
世苦偏側何爲求長年劉安有遺訣得之乃昇天天上  
何所有雷車而雲輶嫣然惟玉女磬折羅仙班主領各  
有司誤者謫與遷上界亦擾擾未見殊人間所以方丈  
洲羣真自迴旋不死亦不昇萬耦耕芝田無由問方朔  
欲往迷雲烟

泊蘭陵遇客入滇寄書斯年兄

春城月出蘭陵樹酒幔魚曾留客住攬筆無心記北征  
懷兄卻憶西南路西南天末古荆梁雁飛何曾到夜郎  
鄉山寄書苦不達此去京國尤茫茫鄰舟掀髯夜郎賈  
口談滇事氣如虎用兵歷歷指掌間拉雜山川更風土  
蛾昌羅舞非吾倫金馬碧雞非舊春纔聞客話已愁絕  
何況三年萬里人高堂未老髮垂雪手綻征衣兩番別  
男兒羈旅不關愁此意殷勤共誰說客許封題報遠情  
舵樓一諾懽平生獵獵天風吹五兩定知不付石頭城

鶴林寺

層樓春望入江南京口逢僧試一探蓮社即今飛錫杳  
牧老人駐錫蜂臺終古法雲曇尊前花滿非重九門外  
地時赴吳門松青記十三米老風流未消歇長懸燈火照伽藍  
寺以海

嶽為  
伽藍

渡江贈友

北固山前屋蕭然識汝賢江風催客渡同上廣陵船錦  
纜紆春岸紅樓在晚烟阮公狂未減直向酒壚眠

廣陵

平山堂下積雨收暮天斜日上征裘莫向蕪城還北望  
寒鴉棲遍古揚州

青簾幾尺捲迴廊簾外空明淥水長竹底更無人罨索  
花邊愛殺打球場

春街繡鞵倚香車衫袖迴風笑石華向晚木蘭亭下別  
亂鶯啼過玉鉤斜

垂垂堤柳碧堪攀故拂妝樓映玉鬟客裏不知春幾日  
江南江北雁飛還

雨中陳散木孫豹人鄧孝威涂子山過話

旅酒過三爵生魚恰半籠醉聞鄉語異春想故園同脫  
屨紛高館焚香侍小童寥寥今古事慷慨話難窮

次韻王西樵司勳春夜兼書別思

邗上江梅已半零暗香蕭瑟雨沉冥窓斜竹影攤書坐  
風細林柯隔幔聽入洛司空琴自好過江僕射酒難醒  
明朝怕見隋堤柳此是長亭第一亭

第五泉歌

平山堂逢褚硯耘  
孝廉同徐元夏作

平山堂下水水石相氤氳第五與十二品藻何紛紛茶

經每見流傳誤歐陽金石垂遺文伯芻最金山鴻漸推  
康王吾徒游歷苦未遍何由挹注爲低昂竹西小住今  
年乍茶甌惱殺渾流瀉醉客宵嘗不解醒蒼頭曉汲還  
論價忽記茲泉水清冽遠拂荒碑探舊穴百轉銅餅倒  
輓轡齒牙却潤嫌州雪褚翁嗜茶癖無比身是王盧友  
劉李丫髻山童折脚鐙一擔花影斜陽裏鳩坑日鑄夙  
所耽亦有顧渚新芽美蟹眼松濤解后間綠莎如茵石  
堪凡因思惠山飲更憶江心艤不須甲乙較前人暫游  
喜啜三名水君携衲子我携客風景何曾負雙屐碧樹  
紅橋正可留那知別思縣沙磧長安斗水須百錢黃塵  
拍眼朔風顛蹄涔解渴尋常事從此相思第五泉

紅橋

出郭饒幽興逶迤信馬蹄灑衣花片小隔岸酒帘齊沙  
日迷離下山禽覓睨啼微聞清珮響人在板橋西

登觀音閣是隋宮舊址

蕪城舊是傷心地煬帝行宮復渺然剩有花林迷玉勒  
虛聞野老拾金鈿鶯乳燕渾無賴腐草垂楊絕可憐  
贏得前谿二三月年年絲竹繫春船

孫桴菴餞予岱宗之游且云將返黃山舊廬輒題  
酒肆壁間以爲別

我本好游歷婚嫁嗤向平夢中五嶽久相待騎驢便作  
青齊行烟花幾日揚州住天都山人卻相遇手把新詩

憶舊游自言欲向黃山去黃山迢迢何處邊二十四谿  
 互迴旋草綠軒轅煉丹處靈芝窈窕如金鈿聞君結廬  
 亦傍茲山顛可惜此術無人傳硃砂鉢盂二峰名空眼前  
 我北去君南歸蕃釐觀前且樽壘清潭白石各有適馬  
 塵撲面何為哉玉女池桃花峪女蘿千尺灑松花二月  
 香風迷野鹿岱宗此去獨躋攀躡屐探崖未擬還有時  
 拂石最高頂望爾黃山咫尺間

車渡

汀橈橫渡小鈿車歸路風前暗落花不用舟師頻借問  
 粉墻敲竹認儂家

淮南曲

弭櫂向淮陰游絲罨晴霧嬌女愛陽春獨倚門前樹樹  
 色隱房櫳春禽不敢通感郎相顧盼笑語暫相同東風  
 颺桃花上儂雙綠髮羅裙繞身吹縈帶輕難禁蜻蜓與  
 蛺蝶各自東西邊那及揚州兒與郎同一船今朝泊淮  
 南明日渡河渚舟師不顧人使帆送郎去新月何尖尖  
 可憐似儂襪郎行若憶儂但看天上月

飯千公精舍念我長塗見餉瓜菜

淮南香積坐清幽相見驚心十五秋三笑不堪辭惠遠  
 一詩先擬別湯休菜於佛土名羅漢瓜出僧田薄故侯  
 分贈轉憐風味好煩將方法示蒼頭

漂母祠

漂母貧家女王孫失路人感恩在一飯遺蹟經千春君  
不見白龍化魚在泥滓網羅欲入風雲起英雄旋轉自  
有術何必相逢盡知己縱今漂母不相憐亭長少年皆  
可喜

清口阻風

石尤風高吹四野官船早泊神祠下吹簫伐鼓候平明  
鷹首豚肩薦春筍予亦羈棲逐短篷怒濤咫尺苦難通  
採薪拾矢非吾事願索南風換北風

贈耿百泉主政

君家甲第開聊攝軒冕清華垂累葉異代風流半已徂  
傳家文物猶相接武熹之朝閹焰張天門虎豹羅重閭

義陽再蝕太阿倒金甌玉殿成倉皇賢祖丹心山不移  
慷慨獨上批鱗詞當年但聞抗疏者滿朝簪笏爭相嗤  
瑾也徒知憎直臣公論尚有千秋期中丞嚴君亦繼武  
吮舐紛紛笑公輔不能長揖向淫祠自甘三木同楊左  
首下尻高亦枉然西川豪傑今還數三百年間大業存  
長從竹帛紀清門漢廷不解留陳竇唐季偏知護霍孫  
天涯有客來春暮握手逢君不能去平陵歌罷急難篇  
墻東隱就屠沽處客舍經時屬比鄰莫論往事轉傷神  
徘徊故額高堂上清白詒謀信可珍

君家所居堂有文  
文肅公大書清白

贈王阮亭客部兼以留別



天寶以還盛吟咏紛紛中晚猶粃糠宋元之際風調改  
好手歷歷殊宮商明初數子誰最雄青田海叟筆力蒼  
同時推正始倚角唯高張百餘年間生四傑力挽元氣  
臻三唐後來繼之王與薛皇甫叔仲差相望大尊晚負  
起衰意黍離歌罷嗟詩亡自餘文人半巖藪坐使一時  
光燄藏揄揚聖代數公出朱絃清廟何洋洋瑯琊二難  
才最健後先起草尚書郎雲津神龍不獨躍齋宮鸞鷲  
元雙翔司勳雅得碧山趣拂衣長嘯焚銀章頃遇淮南  
奏佳什廣陵驛前蕙草香夫子風流世所稀妙年著述  
雄詞場竭來傳寫春官門長安紙貴如琳瑯野夫亦是  
行吟客欲以儉父求班揚三春杖策過燕市車如雞棲  
塞路傍平生不解事干謁便欲鳴鞭辭帝鄉關門改候  
不作暖邊風颯颯吹征裳白羊金鳳久蕭瑟鐵笛霜笳  
橫夕陽年過三十不稱志山川一望增悲涼致身青雲  
真可羨看君握管侍明光古來文章關氣運應須達者  
揚芬芳度遼高眠爲誰起蔡邕倒屣非尋常懷中半刺  
沉淪久試與經過作者堂

程舍人周量席上梁孝廉芝五談花田之勝

君家門巷接花田花發還聞似昔年相值京華方恨晚  
細論風景故堪憐橫陳曉帳流香液不夜清鐙照綺筵

粵人以素馨花製鐙及障燕粵春風萬里外何由飛夢到南天

將之塞上呈汪茗文農部曩賦長律合之杜陵晚節漸于詩律細媿而汗

澹然已不能竄易四十已來  
雖才不逮識心知其故矣

出塞將炎月辭家屬早春間關語異地辛苦悵征塵莫  
訝臨邛客多慚入洛人築宮虛碣石開閣渺平津少日  
耽詞藻窮搜笑等倫瀾期迴砥柱源欲溯江岷寔類三  
都拙渾忘陋巷貧端居昧生理雅志在經綸竿瑟違齊  
好璠璣閔楚珍登臨諧夙抱攀陟此良辰轅下仍歌鳳  
臺邊想獲麟黃河流浩淼秦岱勢嶙峋行路難猶昔干  
時數益屯含愁非衛玠不樂似崔駟敢信文堪賣懸知  
德有鄰勾吳才挺出華省筆如神白璧何論價銀章已  
致身長卿終侍從方朔豈沈淪貢墨隄糜貴花箋側理  
新羣公追正始夫子獨深醇待漏陪青瑣薰香覲紫宸

朝回接風素坐次豁天真兼宵酬支遁還疑類許詢談  
空恒疊疊持論轉循循後起看承蓋前賢嘆積薪汎舟  
殊訪戴投轄幸依遵京國招攜罷關山入望頻更嚴悽  
感策谷險怯車輪大漠原趨漢長城直控秦防秋餘壘  
在避暑故樓湮雕鶚分屯戍鴛鴦問水濱雕鶚堡鴛鴦  
泊皆在宣府  
時平紆北顧歲遠記西巡惜別雖千里睽違只幾旬從  
軍寧我願草檄久無因河朔劉松酒江東張翰蓴仙郎  
倘相憶慷慨報情親

居庸

軍都何萃嶽天作神京背設險開雄關于此劃燕代依  
稀百雉走偏仄兩崖對高度浮雲遲低飛溼鳥礙踐更

戒南口邏卒守陰晦我來及朱夏孟月哉生朏初綠不  
滿巖豁達見邊塞衆峰鬱神駿奔突勢可愛守信一夫  
足騎怯比行隘如何十萬師寇至倉卒潰羽林遮道迎  
貂蟬後車載擾擾黃巾烽百里燒積霽衰盛如轉轂接  
眼但畊耒炎暉照蒼茫獨立發遙慨流鶯語幽谷如聞  
說興廢恃險非良謀鎖鑰慎此輩

八達嶺

丹梯直北通榆木拂袖山烟百折登河注黃花銜二口  
天低白草見諸陵行人尚憶迴鑿曲磧岸曾移照妓鐙  
舊蹟荒寒非一概不因六月有堅冰

諺云若過八達嶺  
征衣添一領予過

此始  
驗

吳郡丞采臣署齋出家姬歌舞留宴因成四韻

吏人初散雁聲邊司馬閒題樂部篇愛寫練裙王內史  
慣驚紅粉杜樊川榆關三伏風摧葉柳堠千屯月帶烟  
莫聽圓蘆捲悽調花鬟挾瑟勸觥船

岔道

晚色催車馬烟沙此地分長鞭來罽帳隔袖落黃雲筮  
次三關息鴻聲四月聞旗臺東去路曾接大寧軍  
上都元肘腋二界劃金湯磧草東西綠邊榆日夕黃譙  
鐙閒鐵笛獵燒走烏羊野店禁愁思風吹桐乳香

上花園

闕支此地曾歌舞別起妝樓對暮山馬首垂楊青一帶

錦襜紅袂射雕還

述懷贈方參議

髫年十五六學禮方趨庭先人忝金蘭賤子侍儀型桐  
陰瞻鳳翽四坐流芳馨愧以凡鳥質因風刷其翎清飈  
荷披拂舉翮期青冥

讀書昧遠大躬畊淹故鄉力田不逢年何以娛高堂良  
辰理膏秣願言周四方狂瀾無安鱗世路如羊腸明珠  
羞暗投中道爲徬徨

曳裾非我心彈鋏笑齊客驅車出塞門揚鞭越沙磧  
峩峩湯池山幕府森檠戟健兒伐大鼓美人奏清瑟攬袂  
上高堂陳詞感疇昔

邊庭方偃武部曲何春容褰帷及休暇四境行春農良  
時洵難得嘉會豈易逢芳荇託清池女蘿媚貞松綢繆  
苟無愆矯首長相從

宣府

龍沙燕尾承平日北顧頗煩玉輦游尚有羅裙傳樂府  
翻隨羌管作邊愁行宮寂寞雙槐樹御氣銷沉舊酒樓

荒正

德間中官手植槐樹  
並駐蹕酒樓遺址尚存

白馬青絲何限恨徐常功業總

鎖鑰從來借重臣貂璫本意揖黃巾一時坐失關門險  
千里俄催鼓角新日落諸陵誰繫馬客逢三月易傷春  
中丞祠下摩蒼碣始信孤忠亦有鄰

落句謂中丞朱  
公諸生姚君也

寄曹秋嶽先生兼訊俞丈右吉

鳴鞭越居庸十日九風雨塞曲休吹行路難時清那有  
從軍苦怪石驚沙倦紫騮楊花飛暗古雲州虛傳蕭后  
籠鶯處不見城南避暑樓雲中去此三百里使君節鉞  
青霄裏幕府何人醉錦筵南州下榻仍知己月出恒山  
第幾峰雲蘿咫尺憶仙蹤知公不減登臨興欲辦探奇  
五尺筇

塞上觀嚴都尉女樂歌

南幘何迢迢湯池復深阻涼飈旦暮吹五月淡無暑興  
來策蹇覓邨帘遙憶江鄉正苦炎已知物候天涯好翻  
喜殊方勝事兼都尉寧邊雅愛客堂中珠履尋常入百

年黃閣數家風六載戎符試邊邑衙齋絲竹駐年華不  
列旌麾列絳紗神女先歸荆楚夢春風偏到洛陽家痛  
飲連朝看不足紅牙按遍旗亭曲妙本新翻石季倫獨  
將佳麗傳金谷憶昔明珠換綠珠徵歌買笑古來無曾  
向紫絲誇錦障還提如意擊珊瑚一自佳人愁墮地狼  
藉璣珩與簪珥吹笛曾無宋禕存乘輿祇有山松醉梨  
園此日竝流傳掠削雲鬟更可憐玳瑁筵中鶯乍囀琉  
璃屏外柳三眠風起羅幃日亭午窈窕文牕亂香雨爲  
逢西子擲金錢又見東家邀翠羽

吳采臣郡丞亦  
以是日招集

此地

由來苦戰爭北門鎖鑰重論兵簫笳久作從軍轉鏡吹  
惟聞出塞聲二十年間人事改聯營不用披金鎧越豔

吳歛斷夕烽紅泉碧草長相待俯仰承平此一時爲歡  
莫遣鬢成絲從知地主風流極更與尊前賦柳枝

雲州堡觀鎮朔將軍獵

風折龍堆草天橫燕尾久吳兒工走馬羌女善韝鷹玉  
爪漁陽絕花驥瀚海稱防秋元此地狡兔莫憑陵  
獵罷聞喧笑紛紛細馬馱停鞭殘燒合歸旆晚風多翠  
釜腥黃鼠霜刀滑紫駝將軍新駐節不畏灞亭訶

觀錢忞谷中丞畫蘭歌

微雨忽散松雲州塞門七月如深秋滿檐山色鳥啼樹  
朝來官舍何清幽銀屏六曲圍烟壑地主真能慰離索  
茗椀棊枰香鵲爐侍女如花卷簾箔中丞錢公晚入坐

正有清風度虛閣含毫對客若有思記得山中芳草時  
吳綃蜀箋冰雪色放筆忽寫幽蘭姿初花宿蕊俱綽約  
風莖雨葉交參差水邊林下儼相比石壁倒垂尤可喜  
野夫拄頰意飛動置身髣髴沅湘裏吾聞畫理貴通神  
偶然潑墨皆天真寫蘭不在顏色好要使風格超凡塵  
楚客深情謝蕭艾福州卷子爭嶙峋中丞妙得此中意  
他日流傳應絕倫不然古來豈乏寫蘭手君不見建陽  
蘇氏管夫人

送張登子司李還越

女祁郭外秋風生感序懷鄉無限情昨夢蒲帆下三浙  
潮痕拍岸明於雪何來越客唱歸吟一笑辭予返故林

錦囊馬上詩無數客舍鐙前醉不禁君家柴門鏡湖曲  
耶谿古石柯亭竹猿鶴空山久待人到時紅葉深茅屋  
避地梁鴻洵可師平生雅有白雲期鶯花暖後還相訪  
共話燕山折柳時

初月

清輝初傍女墻生獨客尊前眼倍明猶有沙場健兒在  
一時齊作捲蘆聲

雁門驛對酒贈妓

銀箏一曲夕陽微葉盡榆關更不飛句注沙明殘雪岸  
滹沱月上美人衣暖傾白墮銷銀燭冷怯瑯鞍試錦圍  
欲折梅花簪髻好春光愁絕隴頭稀

宣府人日

烽臺石戍曉烟平人日逢人載酒行客久漸多新歲感  
春來倍起故園情圍爐小妓兼箏笛出郭諸山半雨晴  
騎馬不愁歸計晚江鄉猶及聽啼鶯

上元後一日夜飲甯保安署中

刺史齋如舫明鐙向夕低雁隨邊月度詩續上元題火  
樹青門得春醺越客携踏歌紛未散不遣夜烏棲

酬胡東甌明府言別

燕姬盛容飾越女擅陽春膏沐信修姱瓊琚何續紛鳳  
凰不我媒天路浩無因鈿車龍子幡冶游及芳辰精誠  
各有託含睇俱未申投以合歡結報之連理文匪無效

顰者交手不相親衆女嫉光儀蛾眉當自珍

時俗多繁訖榛蕪嗟大雅哲人秉微尚曲高和彌寡寥  
寥天壤間誰當知音者我有太古琴中情聊用寫朱絲  
爲鴛鴦雙飛特瀟灑提攜別君堂相看泪盈把

吳鉤久不試寧知雌與雄結客少年場信誓苦不終朝  
投比金石暮擲如蒿蓬逝將返初服川原渺難窮漁陽  
久始泮流水何融融征鴻自南來唳啁當春風我豈憚  
行役世路安可從高堂方倚閭懷哉有尸饔

珠玉被欸段駿馬羞入閑不如恣游遨汗漫六合間晞  
髮登南嶂濯足臨桑乾揮手即前路銜杯再三嘆燕吳  
弗爲遐離別非所患攬君香羅囊出入佩芳蘭君子崇  
令德達人勉加餐我歸讀道書子留隔塵寰衡門足棲  
遲水石相潺湲顛顛亦可悅何用桃花顏龐公有遺躅  
千載共躋攀

重過軍都關口號

去年度關寒食後今年度關寒食前東風作意留行客  
卻放桃花似去年

寒食飲查給事宅

寒食青門路羈人又隔年塵銷春雨後香坐夕郎筵騎  
簇花相亂鶯新柳未綿漢廷多暇日方朔是神仙

書畫歌送米紫來明府之官建昌

古來書畫兩奇絕南宮真蹟多流傳家風復有建昌宰



妙年磊落追前賢捧檄長安春已暮欲棹仙舟豫章去  
苦逢好事不相放幾月更作城南住牙籤錦軸紛低昂  
客子聚觀如堵墻墨池瀾翻埽不足平頭奴子何倉皇  
落花飛雪須臾遍小幅長幘皆可羨空齋屢失虎頭畫  
老姥爭誇叢山扇康王谷五老松水簾倒挂香爐峰我  
昔愛游未到此羨君此去丹青裏謝公遺蹟已千年李  
白匡山生暮烟若向江亭重喚渡何人不識米家船

譚舟石中翰置酒豐臺招看芍藥同令弟左羽繆

于野

將還南海

三十一種誰最優往時芍藥言揚州龍興寺裏花如織  
涪川西雒無顏色今日揚州非絕殊狡獪春光艷京國

豐臺一望十頃餘老農恰就花田居茅簷負郭只四五  
舍南舍北流清渠當春溉得花無數賣向城中十萬戶  
露晞日出剪刀聲衣食年年在春暮舍人置酒臨芳園  
客到豐臺花正繁徐熙九圖畫不到準擬浹日相盤桓  
故人屈子家五羊對此翻然懷故鄉尉陀城南種花處  
楨桐已放耶悉香眼前芍藥看未足采采便欲浮南檣  
君不見江南百錢買斗粟居人往往愁餐粥豐年乞食  
古所無長安種花勝種穀嵇含一編君自有子亦還山  
灌花木有花不愁沽酒錢老作花田農亦足

送諸駿男入蜀

酒罷愁將別迢迢萬里程一鞭垂鳥道三峽繞猿聲地

豈尋常險君爲慷慨行相如妙詞賦到日想逢迎  
益部銷兵久風人攬勝年江流玉壘外春在酒壚邊杜  
宇啼難息巴童曲可憐望鄉應有句數寄浣花箋

廣陵船歌送葉元禮之真州

君不見廣陵船烟波不動笙歌起美人三月鏡中行朝  
朝暮暮垂楊裏來往逐春風沿洄路不窮宮橋二十四  
曲曲繞隋宮隋宮蜀阪逶迤接向晚停歌復停楫一入  
紅林不見人但聞香氣飄裙屣河陽方妙年擲果舊相  
憐遙逢廣陵女應繫廣陵船船頭野色連瓜步岸草江  
花幾回顧那能兩槳下真州卻向昭明讀書處

奉贈王阮亭儀部

蘭芷被春園芙蓉媚秋沼婉孌從風揚搢馨各言好清  
芬世所稀乘時以爲寶移置黃金堂嫣然謝芳草  
湛湛秦淮水上有垂柳枝美人弄佳日攀條惜芳姿今  
儀誰不觀弭櫂獨移時江臯多春風玉珮何參差  
名都選絲竹繁響娛華簪別有容臺奏泠泠聞素琴一  
彈再三嘆天外有遺音衆耳自傾悅寧知託意深  
鳳鷺棲琅玕山禽啜野蔌託身異雲泥飛鳴齊所欲徽  
音或可嗣千秋以爲勗含悰申此章庶幾喻衷曲

送

游華山

五嶽平生意西尋太華山松風天外落仙掌日邊攀婚  
嫁無鄉夢雲霞駐玉顏三峰雖絕好游遍亦須還

爲王儀部題畫

夾岸風林曉谿香吹綠蘋山中客未起別有蕩舟人

送茅匡餘歸茗上

昔我總角時茅子方弱冠相逢戚友家薦蘿同所眷江  
南尚承平冶游極歡宴羅綺若雲霞春風墜花鈿妙年  
多樂方風景一朝變辟疆舊園林狐兔走深院主人辭  
故巢吾儕亦星散彈鋏與吹簫殊方使人倦平生自多  
情憶往淚如霰與君逆旅中猶喜數相見君歸及南薰  
日出郊門餞南經昔游處維舟夕陽岸碧柳尚依依流  
鶯自相喚俯仰盛衰理能無發三嘆翻飛會有日刷羽  
起天漢

口占送張彥若之晉陽

樽前十日九離歌轉惜他鄉歲月過君到汾川相憶否  
太行山北雁行多

畫蝶歌送程雪門歸淮陰

雪門工畫理尤耽寫花鳥黃筌入神趙昌妙三師六法  
爭言好鄉心昨夜生淮甸畫得金陵仰家扇一雙蛺蝶  
擬滕王青苔亂落桃花片君持此扇作歸人我亦悽然  
悵軟塵桃花蛺蝶關何事最憶江南二月春

彭處士仲謀至長安見訪不值次答來韻

山中不知漢繞屋桑麻繁迷津一漁父陶令誠寓言天  
地本踟躕那有桃花源君爲洗耳客海水日飛翻脂車

即長道側身望川原微吟自慷慨回首悵止樊燕姬挈  
青絲爲爾滌塵煩對酒若不醉寸心安可論

贈文與也

與也爲待詔公四世孫文肅公孫也

過江詩派君家別翡翠蘭苔世共傳今日把杯論往事  
卻愁漂泊薊門天

玉磬花開非舊春移家新傍太湖濱含愁自寫雙桐樹

搖落深知故相貧

玉磬山房雙桐書屋皆待詔公舊業與也善畫得家法故有含愁之句

吾家村屋好場圃春水板橋人跡稀借問天池偶畊客  
買船何日到柴扉

張氏園古松

先農壇西五畝園中有古松當華門槎柯去地只數尺

橫開千丈何飛翻三條廣路稍相背過者不解窺籬樊  
我來坐向莓苔碧愛此寂歷銷塵誼東風吹入春聲起  
如泉出峽弦鳴指詩卷茶香竟日留不知世有閒桃李  
龍鱗蛻處蒼藤纏託根京國知何年摩挲爲汝三嘆息  
秦封不到終茫然君不見紅土游鞭紛好事看松只說  
慈仁寺

送陳其年還陽羨

陽羨歸何早裁詩悵別筵一爲招隱作絕勝遠游篇夜  
舫芙蓉雨秋窓橘柚天浮名容易歇生計合林泉

初冬雪夜口占訊紀伯紫周鄮山陳亂倩三處士

小春燕雪枕邊聞靜裏懷人入夜分可但異鄉寒信早

故山六月已紛紛  
西谿寒窓三年別剡曲青山此夜孤同是吳關未歸客  
鄉心曾夢草堂無

劉公戡司勳齋蠟梅

南國黃羅著處栽青門客邸更須開含桃閣外車千里  
細馬嬌馱踏雪來

就花不覺頻移枕殘日卷簾一事無罌翠水香清供好  
祇應長對繡麻姑

除夕前一日同王員外陳檢討飲汪農部宅

官閒最是汪農部更喜鄰家酒肯賒十日相逢九沈醉  
一年幽事到梅花

送童百旃歸海鹽

客裏春如海吳天入望賒君今辭潞水歸及放桃花帆  
落先過郡琴聞即到家離心那可極吾亦倦京華

古意

卷却流蘇帳放儂香出戶郎在綠窓西東風爲吹去  
人言楊花惡休將比蕩子蕩子不還家花撲儂懷裏  
上巳日合肥宗伯龔公招諸同人集慈仁寺松下  
分得茵字

錦鞵移榼正芳辰客舍僧寮屬比鄰期顧尚書還卜書  
欲宜脩禊爲憐春青松笑抵山陰竹紅藥能招洛下人  
轉惜東風易遲暮歡場真欲唾車茵

酬別華陰王山史關中天生兄

我有數尺畫長洲文點作老屋三重茅清渠妙疏淪隔  
浦駐漁舟垂楊蔽山郭中有抱甕子蕭然守畊鑿長鏡  
挂青蕞紅藤倚芒屨俯仰川岩間置身殊不惡觀者訝  
似予賤子笑且諾高堂倚閭人齒髮漸衰落壯年恥無  
成食力分所託數載客殊方飄若風轉籜春陽忽滿眼  
雛鶯上簷角閒來展此圖恐負平生約故人三秦彥清  
風九霄鶴覽圖各枉句相期在巖壑江潮淥無限苦竹  
青如昨田園雖荒蕪猶能供藜藿努力副高言明當去  
京雒

題王山史獨鶴亭圖

小隱含豪對落暉霞催風偈見應稀昔人評鄭廣文書  
如風偈雲收霞催

月上山史書法近之籠鷲往事須君續鐵限門邊看鶴飛  
三峰飛瀑灑簾茵九月松風拂四鄰欲認棕亭西畔水  
他年吾作叩門人

秋錦山房集卷二終

男潮借謹編

